



Albanian Orthodox Archdiocese in America

517 East Broadway
South Boston, MA 02127

Rt. Rev. Nikodhim
Bishop

Phone: 617-268-1275
albanianarchdiocese.org

V. Rev. Mark Doku
Chancellor

Pashka e Shenjtë 2024

Vëllezër dhe motra,

Krishti vjen tek ne. Jemi ose jo të përgatitur, Ai është këtu. Dhe ky është misteri i madh i besimit tonë, se megjithëse Ai na bën thirrje dhe na inkurajon drejt rritjes duke drejtuar jetë me shenjtëri më të madhe, Ai nuk dështon kurrë të na takojë atje ku jemi. Në vetë shërbesën e Tij tokësore, ky ishte një burim i vazhdueshëm fërkimesh, sepse kush mund të besojë në dikë të shenjtë i cili duket kaq shpesh se bën shoqëri me të pandershmit? Jo vetëm të dëbuarit, por edhe të paprekshmit e kohës së Tij ishin familjarët e Tij më të afërt. Ai bëhet me shënjë prej tyre, i njollosur edhe në sytë e apostujve të Tij si një shoqëri e padëshiruar.

Gjatë Pashkës, ne festojmë pësimet më të ulta të Krishtit. I gjykuar, i torturuar, i shënuar si i pavlefshëm nga Perandoria, fshati dhe Kisha, varfëria e vdekjes së Tij e gjen edhe varrin e Tij të huazuar, huazuar nga një mik i një statusi dukshëm më të dalluar. Ritet e tij funerale janë të nxituara, sepse e nesërmja dhe nevojat e saj janë të tilla. Por është atje në varrin e përunjësishë, ku Ai është Zot. I pluhurosur, i lodhur dhe i rrefuzuar, Ai zotëron ato gjëra që ne i frikësohemi dhe Ai ngrihet prej tyre.

Ne festojmë sot, Atë që varri nuk e mbante dot. Duke qënë të shënuar në mendjen tonë nga gjërat që kemi bërë ose i kemi lënë pa bërë dhe nga të gjitha lëndimet që nuk kemi arritur t'i zgjidhim deri tani në jetën tonë, është tunduese të mendojmë se duhet t'i lëmë pas për ta takuar Atë, më tunduese akoma është të mendojmë se besimi ynë na e thotë ta bëjmë atë. Por feja jonë nuk është një fe e pastërtisë, sigurisht nuk është një fe e vetë-përmirësimit. Krishti ngrihet nga varri sepse ne kemi nevojë për shoqëri atje; ne kemi nevojë për siguri se ka shpresë për ata që ende nuk i kanë bërë gjërat siç duhet.

Atje ku jemi ne është vendi ku Krishti insiston të jetë. Anafora e Shën Vasilit që kemi përsëritur çdo të diel të Kreshmës e bën të qartë këtë:

Duke zbritur me anën e Kryqit në Hadh, që të plotësojë tërë misionin e Tij, zdhuku dhimbjet e vdekjes; dhe pasi u ngjall të tretën ditë dhe i çeli çdo trupi rrugën e ngjalles prej së vdekurësh, meqë nuk ishte e mundur të zotërohej prej prishjes Kryetari i jetës, u bë fillimi i të fjeturve, i paralinduri i të vdekurve, që të jetë Ai gjithçka, duke qënë i pari në të gjitha.

Teksa shpërndajmë zjarrin këtë të shtunë mbrëma, duke ecur gjatë mëngjesit të së Dielës, ne e kujtojmë Atë si të ishte me ne, të gatshëm pa frikë të përulemi aty ku jemi dhe të na udhëheqë që të ngrihemi.

Krishti u ngjall! Christ is risen!